

T6

Favole I, 11

La voce dell'asino

- Virtutis expers, verbis iactans gloriam,
ignotos fallit, notis est derisui.
Venari asello comite cum vellet leo,
contextit illum frutice et admonuit simul
5 ut insueta voce terreret feras,
fugientes ipse exciperet. Hic auritulus
clamorem subito totis tollit viribus
novoque turbat bestias miraculo.
Quae dum paventes exitus notos petunt,
10 leonis adfliguntur horrendo impetu.
Qui postquam caede fessus est, asinum evocat
iubetque vocem premere. Tunc ille insolens:
“Qualis videtur opera tibi vocis meae?”
“Insignis” inquit “sic ut, nisi nossem tuum
15 animum genusque, simili fuisset in metu”.